

細心不放逸 誦持佛名故 父母及兄弟
并餘諸眷屬 終無異苦惱 誦持佛名故
一切魔波旬 黑闇衆眷屬 終不能障礙
惡毒不能害 刀杖水火等 縣官惡賊盜
一切不能傷 誦持佛名故 千億諸劫中
常生寶蓮華 威相神通具 常在虛空中
徧不思議刹 觀諸異佛土 刹中清淨者
證無上道已 晉爲諸雜類 諸天及世人
能作歸依處
佛說是經已長老舍利弗及天龍夜叉乾闥

婆阿脩羅迦樓羅緊那羅摩睺羅伽人非人
等一切大衆聞佛所說歡喜奉行

佛說八佛名號經

佛說孟蘭盆經

西晉三藏法師竺法護譯

聞如是一時佛在舍衛國祇樹給孤獨園大
目犍連始得六通欲度父母報乳哺之恩即
以道眼觀視世間見其亡母生餓鬼中不見

飲食皮骨連立目連悲哀即以鉢盛飯往餉其母母得鉢飯便以左手障鉢右手搏食食未入口化成火炭遂不得食目連大叫悲號涕泣馳還白佛具陳如此佛言汝母罪根深結非汝一人力所奈何汝雖孝順聲動天地如三天地神祇邪魔外道道士四天王神亦不能二十奈何當須十方衆僧威神之力乃得解脫吾今當說救濟之法令一切難皆離憂苦佛告目連十方衆僧七月十五日僧自恣時當爲七世父母及現在父母厄難中者具飯百味

五果汲灌盆器香油鋸燭牀敷卧具盡世甘美以著盆中供養十方大德衆僧當此之日一切聖衆或在山間禪定或得四道果或在樹下經行或六通自在教化聲聞緣覺或十地菩薩大人權現比丘在大衆中皆同一心受鉢和羅飯具清淨戒聖衆之道其德汪洋其有供養此等自恣僧者現世父母六親眷屬得出三塗之苦應時解脫衣食自然若父母現在者福樂百年若七世父母生天自在化生入天華光時佛勅十方衆僧皆先爲施

主家呪願願七世父母行禪定意然後受食
初受食時先安在佛前塔寺中佛前衆僧呪
願竟便自受食時目連比丘及大菩薩衆皆
大歡喜目連悲啼泣聲釋然除滅是時目連
母即於是日得脫一劫餓鬼之苦目連復白
佛言弟子所生母得蒙三寶功德之力衆僧
威神之力故若未來世一切佛弟子亦應奉
孟蘭盆救度現在父母乃至七世父母爲可
爾否佛言大善快問我正欲說汝今復問善
男子若比丘比丘尼國王太子大臣宰相三

公百官萬民庶人行慈孝者皆應先爲所生
現在父母過去七世父母於七月十五日佛
歡喜日僧自恣日以百味飲食安孟蘭盆中
施十方自恣僧願使現在父母壽命百年無
病無一切苦惱之患乃至七世父母離餓鬼
苦生人天中福樂無極是佛弟子修孝順者
應念念中常憶父母乃至七世父母年年七
月十五日當以孝慈憶所生父母爲作孟蘭
盆施佛及僧以報父母長養慈愛之恩若一
切佛弟子應當奉持是法時目連比丘四輩

弟子歡喜奉行

佛說孟蘭盆經

佛說報恩奉盆經

亦云報像功德經

失譯人名附東晉錄

聞如是一時佛在舍衛國祇樹給孤獨園大目犍連始得六通欲度父母報乳哺之恩即以道眼觀視世界見亡母生餓鬼中不見飲

永樂北藏

八經同卷

食皮骨相連柱目連悲哀即鉢盛飯往餉其母母得鉢飯便以左手障飯右手搏食食未入口化成火炭遂不得食目連馳還白佛具陳如此佛告目連汝母罪根深結非汝一人力所奈何當須衆僧威神之力乃得解脫吾今當說救濟之法如三令一切難皆離憂苦廿二佛告目連七月十五日當爲七世父母在厄難中者具麩飯五果汲灌甕器香油鋖燭牀卧衆具盡世甘美以供養衆僧當此之日一切聖衆或在山間禪定或得四道果或樹下經行

第四四册